

軍事

辦理京旗練兵大臣袁等奏北洋創練常備京旗各兵訂購大批軍火摺

奏爲北洋創練常備京旗各兵訂購大批軍火照案另籌專款以濟要需恭摺仰祈 聖鑒
 事竊以近年迭奉 諭旨飭令各省簡練新軍營制操法器械均須畫一仰見 朝廷整軍
 經武力圖自強臣世凱遵於上年創練常備軍一鎮並奉 命挑選八旗兵丁調赴北洋一
 體訓練蒙 派臣鐵良會同辦理督率各將弁悉照臣世凱所定操章按時練習步伐均已
 整齊技藝亦漸嫻熟惟北洋自兵燹以後軍械製造各局掃地無遺間有槍枝子藥散於民
 間臣世凱於前年抵任後派員分赴各州縣定價收買雖經陸續收集類皆機件殘損式樣
 參差僅足操演手法後又購撥鄂廠所造快槍考校未精尙欠堅利亦未足爲制勝之具方
 今各國講求武備槍礮之製日新月盛精益求精現在北洋創練常備京旗各軍實係自強
 始基營制操法均歸一律其器械自未便稍涉遷就致誤事機是購備軍火實爲刻不容緩
 之圖臣等查製造之精尙以泰西各國爲最近來日本考求日進固亦未肯多讓而工賤道
 近價值較廉茲據日商呈驗該國明治三十年新式馬步快槍發營演放並派員赴日本製

軍事

四十五

甲辰

造廠將該國明治三十一年新式行軍快礮一併考驗工料均極精堅其子彈之線路速率漲力穿力及炸彈之廣狹信管之疾徐一切程度均與泰西不甚懸殊當飭支應局兵備處司道向日商三井大倉兩洋行訂購六密里半口徑五響新式步快槍一萬二千杆馬快槍二千桿皮件一萬四千套並隨槍零件俱全計日金三十八萬九千二十元無煙子彈七百萬粒演裝無藥子彈七萬粒計日金二十九萬八千八百七十五元五角共日金六十八萬七千八百九十五元五角又七生半陸路礮四十八尊連子藥車備件車六十輛輓馬具騎鞍具二百三十六副計日金三十六萬三千五百十元又七生半過山礮十六尊連隨礮各種器具四十九套馱鞍九十六副計日金四萬九千六百九十七元九角各種礮彈二萬五千八百五十六顆藥筒二萬五千六百個彈藥箱十八對計日金三十四萬三千一百九元六角又新式手槍六百五十桿槍子十三萬粒計日金一萬九千一百十九元一角共日金七十七萬五千四百三十六元六角以上行用運保等費一概在內議明此項槍礮按照所驗各該年分新式僅將槍枝表尺酌改盡善餘均照式加工製造並於槍礮各筒原刻年號之處改爲光緒二十九年製字樣及鐫團龍花紋於上以便識別業於八月間訂立合同槍限五個月礮限六個月先後造齊運至天津交收內惟炸彈裝配加慎須緩三個月方能

交足其價值各於造齊裝船起運時先付一半其餘一半俟到津點收相符再行照付茲計槍礮兩項價值共日金一百四十六萬三千三百三十二元一角按現時鎊價約合銀一百二十萬兩上下惟北洋各項餉向照歲支各款按年估撥遇有添購船械及大批軍火均係隨時奏請 飭部另撥的款此時部庫同一艱窘深恐無從籌措而事關儲備軍實不得不力任其難設法挹注查光緒十年間北洋購辦西洋大批軍火及青鉛等件由前督臣李鴻章奏准出使經費銀四十餘萬兩此外江浙廣東等省均經借撥有案茲擬由津海關積存出使經費項下借撥銀四十萬兩又東海關四成洋稅項下加撥銀十萬兩又上年奏明由順直善後振捐項下借給長蘆鹽商贖回法兵售出坨鹽價值行平銀六十四萬兩合庫平六十一萬餘兩已據各商陸續繳還現存銀四十七萬餘兩又上年九月開綱以後各商隨引呈交新案加價截存銀三萬餘兩即於此兩款內湊撥銀五十萬兩共計銀一百萬兩餘不敷銀二十萬兩上下俟各局所年終截數各省協餉一律解足如能勻籌固屬甚善否則尚須息借商款以濟要需臣等爲遵 旨創練新軍購製利器期成勁旅以衛 畿疆籲懇 天恩俯念北洋限於財力軍火不敷准予如數購辦俾資利用而備不虞除將原訂合同另行鈔錄分咨查照並俟定造各件交收完竣由局彙案造報外理合會同恭摺具陳伏乞

軍事

四十八

二月

皇太后 皇上聖鑒飭下外務部練兵處戶部立案施行謹 奏奉 硃批該部知道欽此

署閩浙總督李奏設立軍政局整理營務情形摺

奏爲閩省設立軍政局整理管務謹將辦理情形恭摺具陳仰祈 聖鑒事竊臣伏讀電鈔光緒二十九年十月十六日欽奉 上諭前因各省軍制操法器械未能一律迭經降旨飭下各督撫認真講求訓練以期劃一乃歷時既久尙少成效必須於京師特設總匯之處隨時考查督練以期整齊而重戎政又於十一月十六日欽奉 上諭各省軍政各督撫照例設營務處派監司大員總辦以專責成立法未嘗不善乃承辦各員往往視爲例差不能認真經理甚至役使勇丁提扣口糧統領營官私送公費遇有查閱等事臨時敷衍彌縫襄辦會辦尤爲虛設軍政之壞半由於此積習相沿實堪痛恨著各該督撫凡派辦營務必須擇精明韜略操守嚴正之員不得以庸輒不職充數嗣後如有缺額扣餉種種情弊一經發覺卽行奏參嚴懲其襄辦會辦名目卽著一律裁撤以肅軍政各等因仰見 聖主整軍經武之至意曷勝悚佩伏念近來中國積弱之故皆由於兵氣不揚自庚子之變迭奉 明詔通飭各省裁汰綠營改練常備續備巡警諸軍前督臣許應騤於光緒二十七年四月卽經遵